

湖南褒忠录初稿



湖南褒忠錄初槩

殉勞四

諡剛介提督銜陝西延綏鎮總兵楊昌泗

子衡州協把總楊勝棠河溪營外委楊勝業

楊昌泗乾州廳人兄昌凱歷任甘肅碾伯營都司貴德營遊擊

賞花翎昌泗由武生人乾州協游擢千總道光十二年從討猺

逆趙金龍手擒金龍弟趙滿子擢鎮筸守備尋追剿至粵東復

手擒逆首某擢都司賞驍勇巴圖魯名號旋補廣慶協都司

武岡監正儼之變擒首逆羅在清張和尚擢永州鎮遊擊二十

一年從征廣東靖逆將軍弈山奏補貴州郎洞營參將陞直隸

大沽協副將遷甘肅西甯鎮總兵調廣東高州鎮咸豐元年坐

失察勇丁罷職回籍咸豐三年奉

旨調赴山東辦理防剿事宜道經湖北署總督張亮基奏留辦
軍務率師抵黃州敗賊馬安山鵞公頸等處黃州平明年正月
漢陽陷帥師武昌城外扼要防剿及武昌再陷率師赴監利剿
螺山賊焚其壘追擊數十里八月會國藩統水陸全軍進規武
昌議三路進攻道員羅澤南攻東岸花園昌泗及涼州副都統
魁玉攻西岸蝦蟆磯水師擊江面賊防守甚力西岸築土城深
溝高壘昌泗冒矢石破之追至鸚鵡洲與水師夾擊盡破洲中
賊壘斬首四百生擒百餘水師攻漢陽賊倚木柵抗拒昌泗率
師從上游至賊大驚乘勢進擊焚晴川閣下木柵及大別山木

壘次日平旦由漢陽南門梯而入賊開門遁魁王截之浮斬無
算漢陽平武昌賊以是日遁明日復漢鎮焚賊船千餘捷聞
復原職當漢城復時賊船千餘順流出大江昌泗親謁國藩請
檄水師迎勦躬率荆兵防陸路國藩韙其言賊連檣下由楊林
溝登岸我軍僞遁賊馳之昌泗由龜元寺擊賊後賊敗走水師
突至以河小賊舟不能迴旋礮發恒自擊遂喧亂我師火之賊
登岸逃昌泗扼諸河殲焉由是襄河賊皆盡大軍得一意東下
九月帥師出蘄水復其城竝復蘄州會同塔羅兩軍復廣濟進
克黃梅凱還後盡散其步勇歸農五年正月奉
旨簡放陝西延綏鎮總兵未行賊復竄湖北武漢皆陷奉檄堵

沔陽又堵天門九月敗賊仙桃鎮十一月奉調勦辦中路統領
攻勦漢陽六年十一月二十二日漢陽復賞加提督銜七年
五月赴任河南捻寇棘八年九月奉

旨帥師赴豫勦捕時昌泗老矣至豫病十一月二十四日卒於
軍年六十有八豫撫以聞奉

旨照提督營病故例議卹賜祭葬予諡剛介廕一子六品

頂戴昌泗三子勝棠勝業勝傑皆先卒孫秀觀由廕生援例爲
同知指發湖北

楊勝棠昌泗長子由武生入營洊授湖南衡州協把總道光二
十一年從征廣東以功賞藍翎咸豐三年昌泗討賊湖北勝

榮從之以勇聞五年以疾卒於湖北營中
楊勝業昌泗次子出身行伍補湖南乾州協河溪營外委從昌
泗出師廣東賞藍翎咸豐元年出師粵西立功後在營病卒
署建甯鎮總兵福建守城營副將張榮貴
張榮貴善化人武生咸豐二年守城有功四年侍郎曾國藩調
赴水師同復岳州保外委賜藍翎沿江攻剿至湖口五年賊
竄武漢率水師右營上援擢千總加守備銜四月北撫胡林翼
督各營水陸並進水師直下塘角天大風守備鮑超駛下爲賊
所圍榮貴急槳救援兩岸礮雨下士卒多傷榮貴身受五傷兩
足蹠皆中礮子裹創而進手燃大炮賊紛紛落水死遂救超出

重圍尋與水師都司劉培元會陸師夾擊賊大潰七月十五日
從副將楊載福搗塘角焚賊輜重遷都司 賜孔雀翎再同復
金口十二月載福由鸚鵡洲進攻榮貴攻南岸嘴塘角焚舟百
餘殺賊千人追殺至青山次日轟毀賊大船一賊不出載福攻
鮎魚套榮貴與周喜元駐鸚鵡洲爲聲援斃賊數百遷遊擊六
年二月載福復出鸚鵡洲榮貴與鮑超周清元循西岸而下連
日大戰賊舟爲燼獲礮械無算尋回南嶺勇二千署爲榮字營
六月赴鄂駐洪山賊撲魯家巷營營官蔣益澧病不能軍榮貴
兼統蔣軍六營擊走之七月城賊由中和門出圖犯洪山營榮
貴都司趙克彰遶巴頭山截殺追至城下斬首四百及援賊大

棠從之以勇聞五年以疾卒於湖北營中
楊勝業昌泗次子出身行伍補湖南乾州協河溪營外委從昌
泗出師廣東貴藍翎咸豐元年出師粵西立功後在營病卒
署建甯鎮總兵福建守城營副將張榮貴
張榮貴善化人武生咸豐二年守城有功四年侍郎曾國藩調
赴水師同復岳州保外委賜藍翎沿江攻剿至湖口五年賊
竄武漢率水師右營上援擢千總加守備銜四月北撫胡林翼
督各營水陸並進水師直下塘角天大風守備鮑超駿下爲賊
所圍榮貴急槳救援兩岸礮雨下士卒多傷榮貴身受五傷兩
足蹠皆中礮子裹創而進手燃大炮賊紛紛落水死遂救超出

重圍尋與水師都司劉培元會陸師夾擊賊大潰七月十五日
從副將楊載福搗塘角焚賊輜重遷都司賜孔雀翎再同復
金口十二月載福由鸚鵡洲進攻榮貴攻南岸嘴塘角焚舟百
餘殺賊千人追殺至青山次日轟毀賊大船一賊不出載福攻
鮎魚套榮貴與周喜元駐鸚鵡洲爲聲援斃賊數百遷遊擊六
年二月載福復出鸚鵡洲榮貴與鮑超周清元循西岸而下連
日大戰賊舟爲燼獲礮械無算尋回南寨勇二千署爲榮字營
六月赴鄂駐洪山賊撲魯家巷營營官蔣益漕病不能軍榮貴
兼統蔣軍六營擊走之七月城賊由中和門出圖犯洪山營榮
貴都司趙克彰遠巴頭由截殺追至城下斬首四百及援賊大

至眾數萬分悍黨踞魯家巷榮貴與相持數日八月李續賓率
湘勇及副都統舒保馬隊助戰榮貴持矛策馬直趨賊陣馬隊
乘勢衝入平其壘六旋會諸營再破其壘十三小卡無數殺賊
千餘賊大挫進參將武昌猶未下林翼增兵爲長圍困之令榮
貴率四營扼石嘴十二月水師上下夾攻焚賊舟賊開城分竄
其竄石嘴者被榮貴斬馘大半遂同復武昌遷副將先是林翼
奉

旨舉將官宜補實缺者十二人榮貴與焉七年六月授福建城
守營副將九月與李續宜黃澤遠等攻賊梅家洲值水師復湖
口梅家洲賊不戰而遁榮貴與諸軍由閒道出賊前聚而屠之

十月赴任尋署建甯鎮總兵十二月以病卒於延平營年二十有五榮貴恂恂如儒者及臨敵陷陣颺舉電發老將不如也事聞賜祭葬照二品官例給卹予廕八品監生以外委把總拔補榮貴兄名崱襄水師營事九江官牌之戰陣亡見殉陣錄署壽春鎮總兵甘肅永固協副將余成蛟

余成蛟鳳凰廳人由鎮筴營征兵轉戰湖南湖北江西金陵等處同收復廬州又同收復三河專剿皖北賊尋又死守護城洊擢記名總兵授甘肅永固協副將署壽春鎮總兵大軍攻廬州時破得勝門七里站賊巢成蛟皆先登隨攻三河成蛟率所部冒雨暗襲一鼓破之其守護城時潛山太湖賊竄陷六安安徽

布政使李孟羣駐營長城爲所陷死之賊竄合肥踞青龍廠窺
護城護城距定遠城百里爲縣前路屏障實南路要衝也成蛟
與總兵吉順駐師防之賊圍之數重成蛟率眾固守時大營駐
定遠遣師至不能前城中勢岌岌成蛟躬督士卒日夜血戰會
總兵張得勝成興等再率援師至爲僞英王陳玉成所圍得勝
等突圍出護城益危糧藥俱罄水米不通成蛟慷慨誓眾將以
身殉 欽差大臣勝保募人入城令乘我軍進攻從內衝出以
完軍威成蛟乃率眾貫賊陣全軍而出時被圍已十餘日乃移
營老人倉堵東路以保定遠移營後以勞瘁卒於軍奉
旨照總兵立功後病故例 給卹遣有司致祭焉

都司張心銘

守備闕義富

把總蕭步青

附

張心銘麻陽人初爲鎮筭外委道光十六年逆猺藍正樽反以搜獲匪黨功授鎮筭把總二十年隨果勇侯楊芳出師廣東嘗獨破火輪船夷人溺死者數十敍功補桂陽營守備三十四年耒陽楊大鵬反率師援勦獲逆僧四人遂與賊戰於漁陂洲再戰於啞子山公平墟等處前後獲賊數十人耒陽平擢都司賞戴花翎三十年大軍平李沅發於新甯餘黨悉竄廣西心銘率師追之是年三月卒於營初心銘在廣東嘗斃賊七人賊以鎗擊之中肩至是以勞故傷復發嘔血而卒合

闕義富鎮筰守備道光三十年隨大軍追賊至通道途次患病
三月十七日卒

蕭步青鎮筰把總三十年隨同追賊至廣西四月十五日病卒
鎮筰鎮千總胡俊等二十一人

胡俊衡山人由行伍洊擢鎮筰營千總道光三十年從提督向
榮討賊粵西進攻索潭獨山陶鄧墟牛排嶺等巢屢次衝鋒陷
陣上首功咸豐元年二月進攻台村奮勇先驅遂積勞成疾二
十入日卒於營照三等軍功病故例議卹

吳支清籍不詳辰沅道標練勇累擢得勝營守備從征有功
賞強勇巴圖魯勇號從提督向榮出師廣西敗賊索潭獨山陶

鄧墟牛排嶺等處咸豐改元攻奪風門坳功最八月初三日在桂平軍營村營次病卒照例賜卹

劉宗照保靖營守備咸豐元年在廣西營中病卒

李長春郴州營左哨千總粵匪起奉調赴江華防堵旋赴廣東陽山乳源搜捕餘匪積勞成病咸豐元年九月初十日卒於營

鄭華亮宜章人永興汛右哨把總咸豐元年粵匪竄入楚邊華亮隨同駐軍莽山奮勇剿捕賊散逸華亮率所部數十人搜捕於天堂灣羅軫等處屢獲逃匪久之病十月十五日卒於軍

羅明亮長沙人永順協外委以功

賞戴藍翎咸豐元年管帶

川勇由大塘前赴山背崎嶇一帶剿捕晝夜奔馳感受瘴癘九

月十六日在營病卒是年湖南營哨員弁在廣西殉勞者毛吉
元字輔臣長沙人長協營書識隨李星沅大營襄理文案在象
州馬鞍山病卒張志道麻陽人鎮筵鎮標外委受傷在風門坳
病卒詹國柱鳳凰廳人綏靖鎮右營千總在桂林防所病卒徐
敬強保靖人本營額外從征廣西以功敘藍翎把總楊福榮乾
州協外委是年先後在營病卒黃國棟鎮筵中營外委病沒於
武宣塔嶺營次田興雲鳳凰廳人鎮筵鎮標中軍外委亦沒于
塔嶺王定邦常德提標把總署千總事七月二十八日病沒於
花雷侯擇遠乾州協外委在營病卒其在湖南防所殉勞者田
宗保額外外委沒於祁陽防所楊連科綏靖中營外委郭元升